

佛說無上依經卷上

傷四

梁天竺三藏法師真諦譯

校量造佛功德品第一

如是我聞一時佛娑伽婆住王舍城迦蘭陀竹林與大比丘眾千二百五十人俱悉是羅漢諸漏已盡所作已辦捨諸重擔獲得已利

盡諸有結其心善得解脫善得自在善通奢摩他毗婆舍那其名曰淨命阿若憍陳如淨命馬勝淨命賢勝淨命娑沙波淨命摩訶那摩淨命溫樓頻螺迦葉淨命伽耶迦葉淨命那提迦葉淨命耶輸陀淨命摩訶迦葉淨命舍利弗淨命摩訶目捷連淨命須菩提淨命須娑睺淨命摩訶拘締羅淨命優波離淨命富樓那彌多羅尼子淨命摩訶純陀淨命摩訶劫賓那淨命離波多淨命畢陵伽婆蹉淨命阿尼樓駄淨命孫陀羅難陀淨命羅睺羅唯除阿難在學地如是等千二百五十人俱復有大比丘足眾五百人俱其名曰摩訶波

闍波提比丘足青蓮華色比丘足綺摩比丘足跋陀比丘足難陀比丘足耶輸陀羅比丘足如是等各有眷屬

復有菩薩摩訶薩無量百千是賢劫中諸菩薩眾皆悉通達大深法性從調易化善行平等修菩薩道一切眾生真善知識得無礙陀

羅尼轉不退法輪已經供養無量諸佛皆從他方世界來集一生補處聖者弥勒菩薩以為上首

復有優婆塞百千萬眾頻婆娑羅王以為上首復有無量百千優婆夷眾毗提希夫人以為上首

余時世尊為諸天人恭敬尊重隨從供養於是淨命阿難在大眾中承佛神力即從座起偏袒右肩右膝着地頂禮佛足向佛合掌而作是言世尊我於今日着衣持鉢入王舍城次第乞食我見一處大高重閣莊嚴新成雕飾裝盡內外宛密見此事已即生心念若清

信善男子善女人造此大高重閣布施四方
 衆僧并具四事若如來滅後取佛舍利如芥
 子大安立塔中起塔如阿摩羅子大戴刹如
 針大露盤如棗葉大造佛如麥子大此二功
 德何者爲勝今問世尊唯願解說佛言善哉
 善哉阿難能問如來如此大事汝能修行衆
傷 元上依上 二 南

多利益憐愍世間作歸依處能令人天得道
 安樂能拔衆生不住苦地是故阿難汝今諦
 聽專思念之敬心信受善哉世尊願樂欲聞
 佛言阿難此閻浮提世界縱廣七千由旬其
 洲北邊廣大南方如車人面亦尔其中悉滿
 須陀洹斯陀舍阿那舍阿羅漢辟支佛等譬

如蔗林竹林荻林若麻田若稻田稠密不空
 無間缺處如是阿難此閻浮提滿須陀洹乃
 至辟支佛若有一人盡形壽供養衣服飲食
 湯藥卧具入涅槃後悉起大塔供養然燈燒
 香塗香秣香華鬘衣服傘蓋幢幡等阿難於
 意云何是人以是因緣生功德多不阿難言

甚多世尊甚多修伽陀是人以是因緣生功
 德多佛言阿難且置閻浮提洲西瞿耶尼縱
 廣八千由旬其洲作半月形人面亦尔其中
 滿須陀洹乃至辟支佛等譬如蔗林竹林荻
 林若麻田若稻田稠密不空如是阿難此瞿
 耶尼悉滿須陀洹乃至辟支佛等若有一人

盡形壽供養衣服飲食湯藥卧具入涅槃後
 悉起大塔供養然燈燒香塗香末香華鬘衣
 服傘蓋幢幡等阿難於意云何是人以是因
 緣生功德多不阿難言甚多世尊甚多修伽
 陀阿難且置瞿耶尼洲東弗于逮縱廣九千
 由旬其洲圓如滿月人面亦尔滿中須陀洹
傷 元上依上 三 南

乃至辟支佛譬如蔗林竹林荻林若麻田若
 稻田稠密不空如是阿難此弗于逮滿須陀
 洹乃至辟支佛等若有一人盡形壽供養衣
 服飲食湯藥卧具入涅槃後悉起大塔供養
 然燈燒香塗香末香華鬘衣服傘蓋幢幡等
 阿難於意云何是人以是因緣生功德多不

阿難言甚多世尊甚多修伽陀阿難且置東
弗于逮洲北鬱單越縱廣十千由旬其洲方
人面亦亦滿中須陀洹乃至辟支佛譬如蔗
林竹林荻林若麻田若稻田稠密不空如是
阿難此鬱單越滿中須陀洹乃至辟支佛等
若有一人盡形壽供養衣服飲食湯藥卧具

入涅槃後悉起大塔供養燃燈燒香塗香末
香花鬘衣服傘蓋幢幡等阿難於意云何是
人以是因緣生功德多不阿難言甚多世尊
甚多修伽陀阿難且置北鬱單越洲天帝釋
天宮住處有大飛閣名常勝殿八万四千高
樓圍遶八万四千青瑠璃柱真金寶網羅覆

其上金繩鈴網四面張施金銀寶沙栴檀香
水雜種天華灑布其地八万四千綺飾窓牖
毗瑠璃寶因陀尼寶羅頗黎寶蓮華色寶等
間廁莊嚴八万四千扶欄階道純青瑠璃之
所合成阿難若有清信善男子善女人造作
如帝釋天宮飛閣高樓常勝寶殿百千拘胝

施與四方眾僧若復有人如來般涅槃後取
舍利如芥子大造塔如阿摩羅子大戴刹如
針大露盤如桑葉大造佛形像如麦子大此
功德前所說百分不及一千万億分乃至僧
祇數分所不及一分分不相及譬喻所不及
何以故如來無量故阿難且置如是功德此

閻浮提西瞿耶尼東弗于逮北鬱單越大海
須弥及鐵圍山并娑婆世界破為微塵以此
次第數悉是須陀洹斯陀舍阿那舍阿羅漢
辟支佛若有清信善男子善女人盡形壽供
養若滅度後起塔供養於意云何是善男子
善女人得福多不甚多世尊甚多修伽陀佛

告阿難若善男子善女人佛涅槃後取舍利
如芥子大造塔如阿摩羅子大戴刹如針大
露盤如桑葉大造佛如麦子大此功德於前
所說百分不及一千万億分不及一乃至等
數譬喻所不能及
阿難若此功德不迴向阿耨多羅三藐三菩

提此功德聚所獲福報盡娑婆世界微塵數
作他化自在天王化樂天王兜率陀天王夜
摩天王三十三天王況復轉輪聖王

無上依經如來界品第二

佛告阿難佛婆伽婆般涅槃後起剎立塔造
像供養功德福報不可稱量微塵算數所不

能知云何如此阿難如來希有如來不可思
議所以者何為界為性不可思議為菩提為
證得不可思議為功德為法不可思議為利
益為作事不可思議阿難何者是如來界云
何如來為界不可思議阿難一切衆生有陰
界入勝相種類內外所現無始時節相續流

來法尔所得至明妙善此處若心意識不能
緣起覺觀分別不能緣起不正思惟不能緣
起若與不正思惟相雜是法不起無明若不
起無明是法非十二有分起緣若非十二有
分起緣是法無相若無相者是法非所作無
生無滅無減無盡是常是恒是寂是住本性

傷

无上依上

五

六

清淨無所染着遠離無垢從煩惱殼超出解
脫與如來法正順相應過恒沙數不相離不
捨智不思量阿難譬如無價如意寶珠莊嚴
瑩治可愛明淨其體圓潔無有垢汙棄之穢
泥經百千劫過是已後有人拾取取已洗淨
守護保持不令墮墜是如意寶既被洗持還

得清淨不捨寶種如是阿難一切如來昔在
因地知衆生界自性清淨客塵煩惱之所汙
濁諸佛如來作是思惟客塵煩惱不入衆生
清淨界中此煩惱垢為外障覆虛妄思惟之
所構起我等能為一切衆生說深妙法除煩
惱障不應生下劣心以大量故於諸衆生生
尊重心起大師敬起般若起闍那起大悲依
此五法菩薩得入阿鞞跋致位是諸菩薩復
更思惟此煩惱垢無力無能與根本不相應
無真實本無依處本取清淨本是故無本虛
妄思惟顛倒習起如地水風依本得住是本
者無所依煩惱亦如是無真實依若如寶知

正思惟觀是諸煩惱不起違逆我今應觀令諸煩惱不染着我若有煩惱不能染着是名善哉若使我等着煩惱染云何能為衆生說法解煩惱縛是故我今應捨煩惱應說正法解衆生縛若有煩惱令生死相續與善根相應如此煩惱我應攝受為成熟衆生成熟佛

法如是阿難如來在因地中依如實知依如量修達如來界無染無着能入生死輪轉生死非煩惱縛證大方便住無住處寂靜涅槃速得阿耨多羅三藐三菩提

阿難是如來界無量無邊諸煩惱蔽之所隱蔽隨生死流漂沒六道無始輪轉我說名衆

生界阿難是衆生界於生死苦而起歇離除六塵欲依八万四千法門十波羅密所攝修善提道我說名菩薩阿難是衆生界已得出離諸煩惱蔽過一切苦洗除垢穢究竟淡然清淨澄潔為諸衆生之所願見微妙上地一切智地一切無礙入此中住至無比能已得

佛說無上依經

六

車

法王大自在力我說名多陀阿伽度阿羅呵三藐三佛陀

阿難是如來界於三位中一切處等悉無罣礙本來寂靜譬如虛空一切色種不能覆不能滿不能塞若土器若銀器若金器虛空處等如來界者亦復如是於三位中一切處等

悉無罣礙

阿難一切如來在因地時依如實知依如量修觀如來界五種功德不可說無二相過覺觀境界過一異一切處一味菩薩見已除衆生相除法異相除大結相依無礙智於衆生相續中觀如來界與奇異意出哉衆生如來

即在衆生身內如理不見如來是故我說具分聖道開解無始相結覆障令諸衆生因聖道力破除相結自能證見如理如來真實平等何因如此一切衆生執相所縛不識如來不得如來不見如來阿難如來昔在因地觀如來界通達明了正覺衆法悉平等如正轉

無上微妙法輪正直成熟聖弟子來無量無邊恭敬圍遶住於無餘清涼涅槃乃至世界窮盡不捨衆生為利益事

阿難是如來界自性淨故於衆生處無異相故無差別故極隨平等清亮潤滑最妙柔賢與其相應阿難譬如水界自性清潤能攝能

潤能長一切藥草樹木如是阿難一切諸佛在因地中依如來界修行善根利益衆生為此事故來入三界現生老病死是諸菩薩生老等苦非真實有何以故已如實見如來界故阿難譬如豪富長者唯有一男端正聰黠保念愛惜瞻視養護情無暫捨是兒稚小貪

樂舞戲不悟脚踏墮大深坑真穢死屍臙爛臭處其兒母親及餘眷屬見子墮坑驚喚大叫嗚呼痛哉煩冤懊惱是諸親屬雖復悲號而身無力怯弱不能入此深坑救拔子若是時長者速疾馳還念子心重不厭臭穢自入坑中捉子牽出如是阿難我作此喻以顯實

義所言死屍真坑譬於三界其一子者譬凡夫衆生母及眷屬譬聲聞緣覺是二乘人見諸衆生漂沒流沉溺生死雖復憂念傷歎慈愍無力無能濟拔令出豪富長者即是菩薩清淨無垢無穢濁心已能證見未曾習法來入生死臭惡之趣而現受身濟拔衆生阿

難當知如是菩薩大悲希有不可言說超出三界脫諸累縛更入三界受三有生因漚和拘舍羅攝持般若波羅蜜雖有煩惱不能沾汗演說正法滅衆生苦阿難是如來界大威神無變異柔潤故汝應知

阿難是衆生界是諸聖性無修無不修無行

無不行無心無心法無業無果報無苦無樂得入是處是性平等是性無異相是性遠離是性隨從是性廣大是性無我所是性無高下是性真實是性無盡是性常住是性明淨阿難云何是性是諸聖性一切聖法緣此得成一切聖人依因此性而得顯現故我說之

為諸聖性

阿難我今說如來性過恒沙數一切如來不
共真實從此法出而得顯現名如來界信樂
正說深味愛重一切賢聖人戒定慧身即得
成就是故此法名為法身是法者相攝不相
離不捨智非有解是依是持是處若法不相

無上依上

八

有

攝相離捨智有解亦是依是持是處是故我
說一切法歲無變異故名為如如無顛倒故
名為實際過一切相名為寂滅聖人行處無
分別智之境界故名第一義阿難是如來界
非有非無不染不淨自性無垢清淨相應汝
當知阿難云何如來為界不可思議阿難是

如來界在有垢地淨不淨法俱在一時是處
不可思惟依甚深理而得解脫成阿羅漢成
辟支佛非其境界阿難有二種法不可通達
一者自性清淨法界不可通達二者煩惱垢
障不可通達唯阿毗跋致菩薩與大法相應
能聽能受能持諸菩薩聲聞緣覺信佛語故

得知此法阿難如來為此界性不可思議

無上依經菩提品第三

佛告阿難何者如來阿耨多羅三藐三菩提
諸佛婆伽婆在無漏界一切種障永盡轉依
寂靜明淨是無上菩提與十種分相應汝當
知何等為十一者自性二者因緣三者感障

四者至果五者作事六者相攝七者行處八
者常住九者不共十者不可思惟阿難何者
名為菩提自性十地六波羅蜜如理如量修
出離道所得轉依寂靜明淨聲聞緣覺非其
境界是即名為菩提自性阿難是界未除煩
惱故我說名如來藏至極清淨是名轉依法
偏 無上依上 九 用

有四種相一者生起緣故二者滅盡緣故三
者正熟思量所知法果故四者取清淨法界
體故何者名生起緣出一切世如來相續是
菩提道生起緣處何者名滅盡緣三品煩惱
根本種類依因此法永滅盡故何者所知法
果已正通達所知真如正得果故何者名法

界體滅諸相結寂淨法界所顯現故阿難是轉依相是轉依者則佛婆伽婆無上菩提故名菩提性

阿難有四種法為得無上菩提作因何者為四一者願樂修習摩訶衍法二者修習般若若波羅密三者修習破虛空三昧門四者修習

如來大悲阿難有四種惑障菩提果何者為四一者棄背大乘法二者邪執我見三者畏生死苦四者不行利益他衆生事阿難有四種菩提無上勝果何者為四一者寂淨二者真我三者妙樂四者常住是時阿難聞佛語已於衆會中即從座起偏袒右肩右膝着地

曲躬恭敬頂禮佛足合掌向佛而說偈言能說能行甚深理已過怨結諸怖畏云何法是菩提因唯願慈善大悲尊是時世尊唱言善哉善哉阿難能問如來甚

深大義汝行利益多衆生故為令人天得道安樂汝今諦聽深心渴仰恭敬信受善哉世尊願樂欲聞佛告阿難世間中有三品衆生一者着有二者着無三者不着有無着有者復有二種一者背涅槃道無涅槃性不求涅槃願樂生死二者於我法中不生渴仰誹謗

大乘阿難是等衆生非佛弟子佛非大師非歸依處如是人等已住愚盲必墮險怖大闇之中於曠野地更入黑穢棘刺稠林以生死縛作於後際落闡提網不能自出

着斷無者亦有二種一者行無方便二者行有方便行無方便復有二人一者在佛法外傷 无上依上 十 處

九十六種異學外道如支羅歌波育婆等二者在佛法中能生信心堅着我見不愛正理我說此人同彼外道復有增上慢人在正法中觀空生於有無二見是真空者直向無上菩提知道淨解脫門如來顯了開示正說於中生空見我說不可治阿難若有人執我見

如須彌山大我不驚怖亦不毀咎增上慢人執着空見如一髮髮作十六分我不許可行有方便亦有二人一聲聞乘唯修自利而不能為利益他事二緣覺乘少自利他少事而住少得云何不着有無者取上利根修行大乘是人不着生死如闍提不行無方便如外道不行有方便如二乘云何而行觀於生死及涅槃界平等一相至得正道其心安止住無住處清涼涅槃遊行生死不被染汙修大悲心以為根本志力高強堅住不動

佛言阿難若人貪着三有誹謗大乘名一闍提隨邪定聚若人著無行無方便墮不定聚復有着無行有方便不着有無行平等道名正定聚阿難不着有無修行平等唯除此人餘有四人一者一闍提二者外道三者聲聞四者緣覺有四惑障不能證得如來法身無上菩提何者為四棄捨大乘是闍提障為除此障我說菩薩修行信樂大乘真法於一切

佛
無住

十一

處謬執我見是外道障為除此障我說菩薩修行般若波羅蜜法於生死中厭畏疲極是聲聞障為除此障我說菩薩修行破虛空三昧門背利益他小事為足是緣覺障為除此障我說菩薩修行大悲是四種人有四種惑為除此惑說四聖道因此勝道治四顛倒能

證如來無上最妙法身四德波羅蜜果

阿難色等諸法悉皆無常而生常想諸法皆苦而生樂想諸法無我而生我想諸法不淨而生淨想是名顛倒觀色等法是無常苦無我不淨不名顛倒是名顛倒若觀如來如德法身即成顛倒治此顛倒我說如來法身四德何者為四一者常住波羅蜜二者安樂波羅蜜三者真我波羅蜜四者清淨波羅蜜阿難一切凡夫執內五陰起顛倒見於無常中而生常見於實苦中而生樂見於無我中而生我見於不淨中而生淨見阿難如來法身是一切智一切種智之境界故聲聞緣覺不

能觀察如來法身顛倒修習不可拔斷云何
 如此如來法身最勝常住應常修習皆常住
 修住無常修如來法身最上妙樂應當修習
 皆妙樂修住於苦修如來法身最勝真我應
 當修習皆真我修住無我修如來法身最極
 清淨應當修習皆清淨修住不清淨修因此

倒修聲聞緣覺所住之道非是如來法身四
 德道所至處是故法身常樂我淨非其境界
 阿難若有眾生信如來語能見法身常樂我
 淨是眾生者無顛倒心生真正見云何如此
 阿難如來法身是真常樂我淨波羅蜜若有
 眾生因勝妙道觀如來身是等眾生從明入

明從安隱處至勝樂處是佛真子佛心愛念
 從佛口生得佛成就從法化生得法財分阿
 難一闡提人棄背正法生死臭穢深心貪樂
 為除此惑我說修行願樂大乘依因此法得
 最淨果阿難一切外道邪執我見而生取着
 色等諸法是我相無諍故三世佛一切處

佛

無上

十二

及我說乃名真我是諸外道執內五陰而起
 我見心安快樂為破此惑是故我說修習般
 若波羅蜜依因此法得真我果阿難聲聞人
 者怖畏生死於苦滅處而生欣樂為除此執
 我說修習破虛空三昧門依因此法得具足
 分卅出卅樂波羅蜜果阿難緣覺人者不能

觀察利益他事與諸眾生不和合住獨處思
 惟心安快樂為除此執我說修習菩薩大悲
 依因此法恒遍十方為諸眾生作利益事所
 留住故得於常住波羅蜜果阿難因此四德
 一切如來實稱法界不着有無如大虛空修
 空界最究竟過三際永安住

阿難一切阿羅漢辟支佛大地菩薩為四種
 障不得如來法身四德波羅蜜何者為四一
 者生緣惑二者生因惑三者有有四者無有
 何者生緣惑即是無明住地生一切行如無
 明生業何者是生因惑是無明住地所生諸
 行譬如無明所生諸業何者有有緣無明住

地因無明住地所起無漏行三種意生身譬
如四取為緣三有漏業為因起三種有何者
無有緣三種意生身不可覺知微細墮滅譬
如緣三有中念念老死無明住地一切煩
惱是其依處未斷除故諸阿羅漢及辟支佛
自在菩薩不得至見煩惱垢濁習氣臭穢究
無

无体上

十三

南

竟滅盡大淨波羅蜜因無明住地起輕相惑
有虛妄行未滅除故不得至見無作無行極
寂大我波羅蜜緣無明住地因微細虛妄起
無漏業意生諸陰未除盡故不得至見極滅
遠離大樂波羅蜜若未能得一切煩惱諸業
生難永盡無餘是諸如來為甘露界則變易
死斷流滅無量不得至見極無變異大常波
羅蜜阿難於三界中有四種難一者煩惱難
二者業難三者生報難四者過失難無明住
地所起方便生死如三界內煩惱難無明住
地所起因緣生死如三界內業難無明住地
所起有有生死如三界內生難無明住地所

起無有生死如三界內過失難應如是知阿
難四種生死未除滅故三種意生身無有常
樂我淨波羅蜜果唯佛法身是常是樂是我
是淨波羅蜜汝應知

阿難如來法身大淨波羅蜜應知有二種自
性清淨是其通相無垢清淨是其別相大我
波羅蜜應知有二種遠離一切外道邪執出
過我見虛妄故遠離二乘計理謬執出過無
我虛妄故大樂波羅蜜應知有二種斷苦集
本解習氣縛則能證得一切苦滅意生諸陰
拔除盡故大常波羅蜜應知有二種既不損
滅無常諸行出過斷見故亦不增益常住涅
槃出過常見故若計諸行無常是名斷見若
計涅槃常住是名常見治四惑障翻四顛倒
常樂我淨為其真果
阿難何者是菩提利益事有二種事一者無
分別智二者無分別後智是二種智有二種
事一者為成就自利二者為成就利他何者

自利圓滿解脫身持淨法身滅煩惱障一切
 智障是名自利無分別智能成此法何者為
 利他從無分別智後乃至盡生死際不作思
 量顯二種身說法無窮無間無量為脫生死
 三惡道苦為欲安立一切衆生置於善道住
 三乘處是名利他復次自利與三功德分不
 傷五法上 古南

相離一者無漏二者遍滿三者無為復次利
 他與四功德分不相離拔濟衆生不墮四處
 一者妄見癡迷疑惑二者苦道惡道墮道三
 者以嫉妬心以怨結心破壞正教四者以下
 劣心貪樂小乘阿難興此二事自利利他是
 菩提事阿難何者名菩提相應法無上菩提

是真實相十九種法與其相應一者不可思
 量二者微細三者真實四者道理甚深五者
 不可見六者難通達七者常八者在九者寂
 十者恒十一者清涼十二者遍滿十三者無
 分別十四者無著十五者無礙十六者隨順
 十七不可執十八大淨十九澄清此十九法

與無上菩提恒不相離故名菩提相應之法
 阿難何者是菩提行處三種道理顯現三身
 一者甚深道理二者廣大道理三者万德道
 理阿難第一身者與五種相五種功德相應
 何者五種相一者無為二者不相離三者離
 二邊四者脫一切障五者自性清淨何者五

種功德一者不可量二者不可數三者難思
 四者不共五者究竟清淨第二身者法身淨
 流之所顯現一切無量如來功德摩訶般若
 大悲為體與五種功德相應一者無分別相
 二者無功用心三者稱衆生意作利益四者
 與法身不相離五者恒遍一時不捨衆生第
 傷五法上 古南

三身者般若大悲淨流所顯色種為體與四
 分功德相應一者三十二相二者八十種好
 三者威德四者力能於諸衆生根欲性行相
 攝相應於穢佛土示現種種本生之事或復
 示現昇兜率天或復示現從彼天下或復示
 現降神母胎或現初生出胎或現俱摩羅位

或現受學十八明處或現諸戲遊於後園或現出家或現苦行或詣道場或成佛道或波羅柰轉妙法輪或堅固林般涅槃那示現如是種種之事乃至盡于生死後際阿難無上菩提攝三身盡是故名爲菩提行處

阿難何者無上菩提常住法而此常住有二種法爲作因緣一者不生不滅二者無窮無盡是名菩提常住法

阿難何者是無上菩提不共相不共有二種一者不可知若諸凡夫聲聞緣覺不能通達非其境界二者不可得除佛一人餘無得者是不共法有五種一者如如理甚深故二者

自在不可動故三者清淨無漏界所攝故四者一切所知處無礙故五者爲衆生利益事圓滿故是名菩提不共相

阿難何者是無上菩提不可思惟有六種因故不可思惟一者過語言境界二者第一義諦所攝三者已過覺觀分別思惟四者譬類

所不能得五者於一切法最上品故六者生死涅槃處不可安立故是名無上菩提不可思惟阿難云何如來爲無上菩提不可思議阿難一切如來住無上菩提處有五種因緣不可思議何者爲五一者自性二者處三者住四者爲一異五者爲利益阿難云何如來

爲菩提自性不可思議即色是如來不可得離色是如來不可得受想行識亦如是即地界是如來不可得離地界是如來不可得水界是如來不可得離水界是如來不可得離眼入是如來不可得離眼入是如來不可得耳鼻舌身意亦如是即有法是如來不可得無法亦如是是名菩提性

无上依經上

十六

佛

不可思議阿難云何如來爲菩提處不可思議如來在欲界不可思議離欲界亦不可思議色無色界亦如是如來在人中不可思議離人中亦不可思議六道亦如是如來在東方不可思議離東方亦不可思議十方亦如是是名爲處不可思議

阿難何者是如來為菩提住不可思議阿難
安樂住如來住不可思議寂靜住如來住不
可思議有心住如來住不可思議無心住如
來住不可思議如是梵住聖住如來住不可
思議是名為住不可思議

阿難云何如來為一異不可思議三世如來
在一處住何者一處自性清淨無漏法界是
諸如來若一若異不可思議是名一異不可
思議阿難云何如來為利益事不可思議如
是如來等一法界智慧神力正勤威德悉皆
平等住於無漏清淨法界諸如來等因此轉
依能為眾生無量利益是名利益不可思議

復次不可思議有二種一者不可言說過語
言境界故二者出一切世於世間中無譬類
故是名不可思議復次真如本不被染本無
垢汙不可思議阿難是名菩提不可思議

無上依經卷上

傷

格反吉 紈反丑 知反七 馱反唐 宛反上 密反
用二同 糞反音早 蔗反甘 荻反音 繩反音 窻反
稠也直 拘反音 羈反音 竿反音 蔽反音 黠反
漂反音 咄反音 鞞反音 亮反音 滑反音 黠反

關八反 利反也 種直利 脚反 跌反 臙反 爛反 漚反
正作 臑反 臭反 爇反 號反 沉反 溺反 漚反
和反 衍反 棘反 刺反 闌反 些反 毀反
髦反 謀反 疲反

無上依經卷下

傷五

梁天竺三藏法師真諦譯

如來功德品第四

佛告阿難有百八十不共之法此是如來勝
妙功德一者三十二相二者八十種好三者
六十八法何者三十二相菩薩修四因緣一

余濟